

2002 ҳадис / «АЛИФ» ҳарфи / 17-ҳадис

* اَتَقِ اللَّهُ: وَلَا تَحْقِرُنَّ مِنَ الْمَعْرُوفِ شَيْئًا، وَلَوْ أَنْ تُفْغِيَ مِنْ دَلْوِكَ فِي إِنَاءِ الْمُسْتَسْقِي وَأَنْ تُلْقِي أَحَادِيكَ وَوَجْهُكَ إِلَيْهِ مُبْسِطٌ وَإِيَّاكَ وَإِسْبَالَ الْإِزَارِ إِسْبَالَ الْمَخِيلَةِ وَلَا يُحِبُّهَا اللَّهُ، وَإِنْ امْرُؤٌ شَتَمَكَ وَعَيَّرَكَ بِأَمْرٍ لَيْسَ فِيهِ فَلَا نَعِيرُهُ بِأَمْرٍ هُوَ فِيهِ، وَدَعْهُ يَكُونُ وَبَالُهُ عَلَيْهِ وَأَجْرُهُ لَكَ وَلَا تَسْبَّنَ أَحَدًا. (رواه الطيالسي عن جابر بن سليم)

Аллоҳга тақво қил. Яхшиликлардан бирортасини паст санама. Сув талаб қилиб келган кишига челягингдаги сувингни қуиib беришинг ҳамда биродарингга йўлиққанингда очиқ чехра билан кўришишинг ҳам яхшиликдир. Лекин иштонингни узайтириб юришдан сақлан. Чунки иштонни узайтириб юриш такаббурлик бўлиб, Аллоҳ уни яхши кўрмайди. Агар бирор кимса сени ўзингда йўқ нарса билан сўкиб айбласа, сен уни унда бор нарса билан ҳам айбламагин. Шундайлигича қолдир. Шунда гуноҳи ўзига, ажри сенга бўлади. Сен асло бирор кишини сўкмагин.

Жобир ибн Сулайм (розияллоҳу анҳу)дан. Таёлисий ривояти.

Манба: hadis.islom.uz

